

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Epistolarvm [epistolarum] D. Philippi Melanchthonis
Farrago**

Melanchthon, Philipp

Basileae, 1565

VD16 -M3220

Adolenscenti nobili optime indolis, Ioanni Rittesel, Philippus Melanchthon
S. D.

[urn:nbn:de:bsz:31-312770](#)

laude: & prius discessit, quam implicitus est negotijs, ut nos, in quibus non possunt non accidere scandala. De morbo, audio similem febrem suisse, qualis anno superiori Lutheri filiam extinxit. Tantus in eo pudor fuit, tanta mei reverentia, ut mihi indicare noluerit, se ægrotare. Sed tamen medicos consuluit, qui (ut audio) statim iudicarunt lethale malum esse. Noui hoc genus febrium. nam bienio aliquot sic mortui sunt: his ardet pectus, & arcunt & inflamantur fauces & lingua. Ceterum nec dolor magnus sentitur, nec mentis error accedit. Lutheri filia, ut Christophorus, placidissime de Deo & immortalitate ac Christi beneficijs disseruerat, penè usq; ad extremam spirationem. Talis cum fuerit Christophori morbus, temporis aut fati deploremus casum: nec queramus alias causas. Plena sunt humana misericordiarum omnia, et in Ecclesia nouimus causas ueras: Philosophia ignorat. Deus enim proponit, et placide iubet ferre ærumnas: et pollicetur se nobis ad futurum esse, idq; in tribulatione, inquit. Bene uale, charissime Bernarde. Pri die Nicolai, Anno Domini 1543.

Adolescenti nobili & optimè indolis, Ioanni Rittesel, Philippus Melanchthon S. D.

Miror te, mi Ioannes, nihil literarum ad mede-
diffe

disse pro nostrā amicitia, cūn quidem scires huc ab
optimo uiro patre tuo nuncium esse missum. Dece-
bat autem te tum exercendi stylī, tum etiam huma-
nitatis causa, libenter ad amicos scribere. Quare te
adhortor, ut ad me & cæteros amicos tuos aliquan-
do aliquid literarum mittas. Deinde ualde te oro,
ut cūm Deus dederit tibi ualde præclaram indo-
lem, et ingenium aptum honestis rebus: cures, ut bo-
nam naturam doctrina expolias, nec studia litera-
rum abiicienda esse putas. Ad laudem et decus uiam
tibi doctrina factura est. Bene uale.

Venerabili uiro, eximia eruditione &
pietate prædicto, domino Georgio Buch-
holtzer, præposito Ecclesiæ Berli-
nenſis, amico suo,

S. D. Fui his diebus Torgæ in aula, ubi dili-
genter inquisui de negocio ad finis tui. Narrarunt
igitur mihi, scriptum esse ad præfectum, & exem-
plum epistole Principis protulerunt, quod iussi ti-
bi describi, sed nō sciebant, an literæ Principis per-
uenerint ad præfectum. Quare me iusserūt exem-
plum ad præfectum mittere: qui si non accepit lite-
ras Principis, ut est nunciorum magna negligētia,
polliciti sunt se rursus p: ituros à Principe obsi-
gnationem. Cras igitur mittam nuncium ad præfe-
ctum Slicbēsem. Res mihi cura erit, ut perficiatur.

q 4 Dco